

## मटकी फोड़ै दही खोसलै

तर्ज: मेरे पाछै पाछै आवण का भला कोणसा मतलब तेरा सै

जब जाऊँ पनघट की डगरिया मिलै कन्हईया तेरा सै,  
मटकी फोड़ै दही खोसलै संग यारां नै लेरया सै,

मेरी दही खोसली सारी और पकड़ कलाई मोड़ी री ,  
वो लाग्या करण हंगाई हाथां की चूड़ी फोड़ी री,  
अंगीया चोली भे दी उसनै रंग दिया सारा चेहरा सै,  
मटकी फोड़ै दही .....

मनै बहोत घणा समझाया वो मान्या कोन्या बात री,  
वो फोड़ कै मटकी भाज्या फेर आया फेर आया कोन्या हाथ री,  
पहल्यां तो था चोर आज पर उसनै डाक्का गेरया सै,  
मटकी फोड़ै दही .....

एक नही दो चार नही वो कट्टे बीस मलंग थे री,  
जितने चोर उचक्के गाम के सारे उसके संग थे री,  
ईब बी समझ नही कुछ बिगड्या बस यो ही संदेशा मेरा सै,  
मटकी फोड़ै दही खोसलै .....

तू कान खोल कै सुण ले मै साफ साफ एक बात कहूं ,  
जो होगी थी सो होली ईब ओर बात ना एक सहूं ,  
सुरेश भाणा " खड़या था जड़ मै वो मेरी गवाही देरया सै ,  
मटकी फोड़ै दही .....

<https://www.bhajanganga.com/bhajan/lyrics/id/9730/title/matki-fode-dahi-khosle-sang-yaara-ne-leraya-se>

अपने Android मोबाइल पर [BhajanGanga](#) App डाउनलोड करें और भजनों का आनंद ले |